

**Peqatigiiffiit kattuffiillu suugaluartulluunniit, nammineq kajumissutsimik
ingerlanneqartuni aningaasanik katersuiniarneranni nipilersortartunik
Namminersorlutik Oqartussaniit tapiiffigineqarlutik tikisitsisinnaanerat pillugu
Naalakkersuisut piareersaateqaqqullugit peqquneqarnissaannik Inatsisartut
aalajangiiffigisassaattut siunnersuut.**

Inatsisartunut ilaasortamit Doris Jakobsen Jensenimit saqqummiunneqartoq

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

siunnersuutip aappassaaneerneqarneranut

ISUMALIUTISSISSIONAA

Ataatsimiititaliap suliarinninnermini ilaasortarai:

Inatsisartunut ilaasortaq Najaaraq Møller, Siumut, siulittaasoq
Inatsisartunut ilaasortaq Hartmann Heilmann, Naleraq, siulittaasup tullia
Inatsisartunut ilaasortaq Dines Mikaelsen, Siumut
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Edvard Nielsen Aronsen, Inuit Ataqatigiit

UKA2024-mi ulloq 24. oktober siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Peqatigiiffiit kattuffiillu suugaluartulluunniit, nammineq kajumissutsimik ingerlanneqartuni aningaasanik katersuiniarneranni nipilersortartunik tapiiffigineqarlutik tikisitsisinnaanerat pillugu Naalakkersuisut piareersaateqaqqullugit peqquneqarnissaat aalajangiiffigisassatut siunnersuummi matumanit siunnersuuteqartumit kissaatigineqarpoq. Taamaalluni peqatigiiffiit kattuffiillu timersoqatigiiffiit taamatut periarfissaqareersut assigalugit periarfissaqalissapput.

2. Siunnersuutip Inatsisartuni siullermeerneqarnera

Aalajangiiffigisassatut siunnersuutip tapersorsorluarneqarnera ataatsimiititaliamit maluginiarneqarpoq. Erseqqissaassutigineqarpoq timersoqatigiiffiit, peqatigiiffiit allat aammalu kattuffiit nammiq kajumissutsimik ingerlanneqartut inuaqatigiinni pinaveersaartitsinermik aamma ingerlatsisuuusut. Nammiq kajumissutsiminnik ingerlatsisut taamaalillutik najukkami meeqqat, inuusuttut, inersimasut utoqqaallu akornanni ataatsimoornermut iluaqutaapput.

Tapersersuilluartoqaraluartoq ataatsimiititaliamit maluginiarneqarpoq Naalakkersuisoq akissuteqaammini ima allassimasoq, katersuiniarnermut nipilsortartunut tapiissutinut atatillugu peqatigiiffinnut kattuffinnullu tapiiffigineqarsinnaasunik annertusaaneq allatigut sipaarniarfeqartoqarnissaanik pisariaqartitsilersitsissasoq, 2025-mut Aningaasanut Inatsisisatut siunnersuummi aningaasartuutissanut nutaanut akissaqartoqannginnera peqqutaalluni. Tamanna tunngavigalugu peqatigiiffiit kattuffiillu sorliit tapiiffigineqartassanersut pillugu ataatsimiititaliap erseqqissaanissaa siunnersuutigineqarpoq.

3. Ataatsimiititaliap siunnersummik suliarinninna

Nipilsortartut aaqqissuuussinermut angalanerannut aningaasartuutit matussusernissaannut tapiiffigitinnissamut qinnuteqarnissamut timersoqatigiiffiit ullumikkut periarfissaqareersut ataatsimiititaliamit maluginiarneqarpoq. Tamatuma saniatigut ataatsimiititaliap maluginiarpaan peqatigiiffiit kattuffiillu nammiq kajumissutsimik ingerlanneqartut taamatut periarfissaqanngitsut.

Tapiissutissanik qinnuteqarnissamut timersoqatigiiffinnit soqtiginninneq ukioq manna aatsaat taama annertutigisimasoq Naalakkersuisup akissuteqaammini oqaatigigaa ataatsimiititaliamit maluginiarneqarpoq, aammalu aningaasaliissutit konto pingarnermi 40.95.01 tapiissutit allat equmiitsuliornermut kulturimullu atugassat 638.000 kr.-usut 2024-mi septemberip aallartinnerani tamakkerlugit atorneqarsimasut. Tassunga ilanngullugu peqatigiiffiit kattuffiillu nammiq kajumissutsimik ingerlanneqartut timersoqatigiiffiit assigalugit ilanngunneqassappata siunnersuullu matumani pineqartoq akuersissutigineqassappat ilutigisaanillu aningaasaliissutit annertusineqanngippata tamanna timersoqatigiiffinnut kinguneqassasoq Naalakkersuisup akissuteqaammini allassimagaa ataatsimiititaliamit maluginiarneqarpoq.

4. Siunnersuutip aningaasatigut kingunerisassai

Inatsisartut suleriaasianni § 33, imm. 1, allaqqavooq siunnersuut tunngavilersugaassasoq siunnersuutillu aningaasatigut allaffissornikkullu kingunerisinnaasai allaaserineqarsimassasut.

Siunnersuummi matumani aningaasartuutissat pisortat tapiissutaannit atuuttunit matussuserneqarsinnaasut siunnersuuteqartup oqaatigisimagaa ataatsimiitaliamit maluginiarneqarpoq. Taamaattumik siunnersuutip piviusunngortinneratigut aningaasatigut kingunerineqarsinnaasut qanoq annertutigissanersut pillugit ataatsimiitaliamit peqqissaarullugu isumaliutigineqarpoq.

2025-mut aningaasanut inatsimmut isumaqatigiisummi kontomi pingaarnermi 40.95.01-imi tapiissutinut allanut equmiitsuliornermut kulturimullu atugassanut tunngasumi *Eqqumiitsuliortunut timersornermik aaqqissuussanut angalanernut* tapiissutitut 2028-p tungaanut 0,3 mio kr.-it allat immikkoortinneqarsimasut ataatsimiitaliamit maluginiarneqarpoq.

5. Ataatsimiitaliap inassuteqaatai

- **Ataatsimiitaliami amerlanerussuteqartut Inuit Ataqatigiit aamma Siumup ilaasortaatitaasa aalajangiiffigisassatut siunnersuut akuerineqassasoq inassutigaat.**

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappassaaniigassanngortippaa.

Najaaraq Møller
Siulittaasoq

Hartmann Heilmann
Siulittaasup tullia

Dines Mikaelsen

Peter Olsen

Edvard Nielsen Aronsen